

**INTERVENSI PSIKOSPIRITUAL DOA SYIFA AL-
MA'THUR DAN METHADONE DALAM RAWATAN
PEMULIHAN PENAGIHAN DADAH DI MASJID:
PENGALAMAN PROGRAM SEDAR OLEH UNIVERSITY
OF MALAYA CENTRE FOR ADDICTION SCIENCES
(UMCAS) DI MASJID AL-RAHMAN, KUALA LUMPUR
DARI TAHUN 2009-2012**

Ishak Suliaman

*Ph.D., Associate Professor, Department of Al-Quran and Al-Hadith,
Academy of Islamic Studies, University of Malaya, Malaysia*

Email: ishakhs@um.edu.my

Abstrak

Masalah penagihan dadah di Malaysia merupakan masalah utama negara yang membelenggu hampir 400,000 orang rakyat Malaysia. Majoriti penagih dadah ini merupakan penagih yang beragama Islam. Terdapat berbagai kaedah rawatan pemulihan penagihan dadah yang dilaksanakan di Malaysia. Pada tahun 2011, buat pertama kali di Malaysia, UMCAS telah menjalankan program SEDAR di Masjid al-Rahman, Kuala Lumpur yang melibatkan seramai 120 orang penagih dadah keseluruhannya yang turut disertasi oleh 36 penagih dadah tegar heroin. Program SEDAR ini merupakan gabungan rawatan pemulihan spritual atau intervensi psikospiritual doa syifa yang ma'thur dan penggunaan methadone kepada penagih dadah di dalam masjid. Dalam tempoh 12 bulan yang pertama, kadar pengekalan penagih dadah yang mengikuti program SEDAR di Masjid al-Rahman adalah sebanyak 80% dari jumlah penagih. Data kualitatif program ini menunjukkan pencapaian signifikan dari aspek pengurangan pengambilan dadah di kalangan peserta SEDAR, keadaan kesihatan diri yang semakin baik dan keyakinan diri di dalam penglibatan sosial. Justeru, artikel ini mempunyai objektif untuk menilai intervensi psikospiritual doa syifa' yang ma'thur dan methadone di dalam rawatan pemulihan penagihan dadah khususnya di Masjid al-Rahman, Kuala Lumpur di dalam program SEDAR yang dikendalikan oleh UMCAS dari tahun 2011 hingga 2013. Metode analisis data di dalam bentuk laporan dan artikel ilmiah yang diterbitkan berkaitan topik ini akan digunapakai di dalam artikel ini. Perbincangan di dalam artikel ini akan turut memaparkan aspek cabaran yang dihadapi oleh UMCAS di dalam menjalankan program SEDAR ini khususnya di Masjid al-Rahman pada tahun 2011. Aspek perkembangan terkini yang

melibatkan potensi program SEDAR di peringkat masjid-masjid Malaysia akan turut dikongsikan di dalam artikel ini.

Kata kunci: Psikospiritual Doa Syifa Al-Ma'thur, Methadone,
Rawatan Pemulihan Penagihan Dadah, Masjid Malaysia

Pendahuluan

Kaedah rawatan pemulihan dadah di Malaysia di dalam bentuk psikospiritual telah mula diperkenalkan di dalam bentuk persendirian melalui beberapa 'pusat rawatan Islam' dan kesufian khususnya di tiga buah negeri. Menurut Abdul Manam bin Mohamad al-Merbawi, pusat pembersihan jiwa secara kerohanian Islam yang dinamakan sebagai Inabah yang telah diperkenalkan di Kedah pada tahun 1986. Pada tahun 1990 di Terengganu dan kemudiannya di Sabah.¹ Rawatan Inabah ini melibatkan mandi taubat, solat (fardu dan sunat), zikir jahr, zikir khafi (sirr), solat qiyam al-lail dan berpuasa. Kajian Ahmad Termizi Bin Ab. Lateh (2006) *Keberkesanan Program Agama Terhadap Penagih Dadah: Kajian Di Pusat Serenti Karang dan Inabah 10, Kedah*² berusaha membuktikan keberkesanan rawatan inabah ini terhadap pesakit yang terlibat. Kajian perbandingan ini menunjukkan rawatan yang lebih berkesan bagi pesakit ketagihan dadah di Inabah 10 berbanding dengan rawatan di Pusat Serenti Karang di Kedah. Begitu juga dengan rawatan yang dilakukan oleh Ustaz Hj Hanafi bin Hj A.Rashid dari Alor Setar, Kedah yang menamakan kaedah rawatan penagihan dadah yang beliau lakukan dengan nama Kaedah Rawatan Tradisional Secara Islam melalui slogan 'Berdoa, Berusaha dan Bertawakal'. Kaedah beliau ini pernah mendapat perhatian daripada pihak Agensi Anti Dadah Kebangsaan (AADK) di mana pada bulan Februari 2011, Pengarah Pencegahan AADK pada masa itu telah melawat pusat rawatan Ustaz Hj Hanafi.³ Keunikan kaedah rawatan Ustaz Hj Hanafi ialah menggunakan kaedah rawatan dan bimbingan. Di dalam kaedah rawatan, beliau menggunakan

¹ Rujuk <http://www.muftins.gov.my/index.php/component/content/article/162-tarekat-tassawuf/koleksi-kertas-kerja/641-bina-insan-menerusi-kaedah-spiritual-satu-tinjauan-terhadap-pendekatan-inabah-dalam-memulihkan-penagih-dadah-dan-menangani-krisis-moral-remaja> 21.7.2019

² Ahmad Termizi Bin Ab. Lateh, (2006) *Keberkesanan Program Agama Terhadap Penagih Dadah: Kajian Di Pusat Serenti Karang dan Inabah 10, Kedah*, Disertasi Sarjana, Universiti Malaya, Kuala Lumpur.

³ Rujuk <http://www.rawatan-dadah.com/> 22.7.2019.

air kelapa muda yang dibacakan dengan ayat-ayat al-Quran tertentu dan doa-doa yang khusus untuk diberi minum kepada pesakit. Seterusnya dalam kaedah bimbingan, beliau menggunakan pendekatan kerohanian dan psikologi ke atas pesakit bagi rawatan penagihan dadah dalam tempoh yang tertentu.⁴

Di Indonesia juga terdapat kaedah rawatan psikospritual bagi pemulihan dadah seperti yang dikaji oleh Wirman (2015) di dalam kajian PhD yang berjudul; *Rawatan Psikoterapi Islam Dan Psikoterapi Alternatif Dalam Menangani Isu Penyalahgunaan Dadah di Medan*.⁵ Rawatan ini telah menjadikan masjid sebagai pusat ibadah kepada pelatih penagihan dadah bagi mendirikan solat berjemaah dan aktiviti ibadah khususnya di Sibolangit Center⁶ di Medan. Kajian Disertasi Sarjana Abdul Kholiq (2017), yang berjudul *Pencegahan Dan Pembanterasan Dadah Menurut Perspektif Hadith : Kajian Terhadap Badan Narkotika Nasional (BNN) Bandar Langsa, Aceh* ⁷, walaupun dikaitkan dalam perspektif Hadith yang seakan berbentuk rawatan psikospritual, namun hakikat kajiannya hanya sekadar menilai kaedah pencegahan dan pembanterasan BNN yang melibatkan aktiviti penerangan dan pelaksanaan undang-undang dan hukuman oleh pihak mahkamah di Aceh.

Manakala kajian yang berkaitan dengan methadone dalam rawatan penagihan dadah di Malaysia, Mimi Aineen binti Abu Mansor (2011) telah menjalankan kajiannya dalam disertasi Sarjana Syariah yang bertajuk *Penggunaan Methadone Dalam Rawatan Penagihan Dadah Di Malaysia : Kajian Menurut Perspektif Islam*.⁸ Walaupun kajian beliau menyimpulkan keharusan menggunakan methadone dalam rawatan penagihan dadah, namun amat disarankan supaya diberikan aspek bimbangan rohani terhadap pesakit yang ketagih dadah ini.

Kajian berkaitan doa-doa Syifa yang bersumberkan al-Quran sebagai doa perawatan penyakit telah dijadikan kajian tesis PhD oleh Zulkiflee bin Haron

⁴ *Ibid.*

⁵ Wirman (2015), *Rawatan Psikoterapi Islam Dan Psikoterapi Alternatif Dalam Menangani Isu Penyalahgunaan Dadah Di Medan*, Thesis Kedoktoran, Universiti Malaya, Kuala Lumpur.

⁶ Terletak di Jl. Medan – Berastagi KM 45, Desa Suka Makmut Kec. Sibolangit. Ditubuhkan pada 12 Februari 2001,

⁷ Abdul Kholiq, (2017), *Pencegahan Dan Pembanterasan Dadah Menurut Perspektif Hadith : Kajian Terhadap Badan Narkotika Nasional (BNN) Bandar Langsa, Aceh*, Disertasi Sarjana, Universiti Malaya, Kuala Lumpur.

⁸ Mimi Aineen binti Abu Mansor (2011), *Penggunaan Methadone Dalam Rawatan Penagihan Dadah Di Malaysia : Kajian Menurut Perspektif Islam*, Disertasi Sarjana Syariah, Jabatan Fiqh dan Usul, Universiti Malaya, Kuala Lumpur.

(2016) dalam kajiannya yang bertajuk *Konsep Al-Shifa' Dalam Al-Qur'an : Kajian Terhadap Metode Rawatan Ibn Qayyim Al-Jawziyyah*.⁹ Di antara yang menarik dari dapatan kajian ini ialah signifikan doa-doa syifa' yang turut dikenali sebagai ruqyah syar'iyah ini yang boleh digunakan terhadap semua penyakit rohani dan fizikal seperti yang disarankan oleh Ibn Qayyim al-Jawziyyah. Walaubagaimanapun, kajian ini tidak menfokuskan terhadap doa-doa syifa' yang ma'thur bagi tujuan rawatan khususnya terhadap penyakit kronik seperti penagihan dadah.

Berdasarkan kelompangan kajian dan aplikasi berkesan yang menggabungkan di dalam bentuk intervensi psikospiritual doa syifa al-ma'thur dan methadone dalam rawatan pemulihan penagihan dadah di masjid, maka pada tahun 2009 hingga 2012, pihak UMCAS iaitu *University of Malaya Centre For Addiction Sciences* telah memperkenalkan program SEDAR yang bertujuan menjalankan rawatan penagihan dadah kepada sekumpulan penagih yang berkonsepkan *Bio-Psiko-Social-Spiritual* atau ringkasnya psikospiritual di Masjid al-Rahman. Sehubungan dengan itu, artikel ini mempunyai objektif untuk menilai pencapaian kaedah ini yang menfokuskan terhadap aspek pengekalan peserta di dalam program SEDAR, kualiti kesihatan peserta, kefahaman peserta terhadap ilmu-ilmu Islam dan amalan ibadah yang dilaksanakan oleh peserta. Sehubungan dengan itu artikel ini menfokuskan terhadap intervensi methadone bersama psikospiritual doa syifa' al-Ma'thur yang diajar kepada peserta SEDAR (penagih dadah) berserta dengan ilmu asas fardu 'ain dan ibadah asas di dalam Masjid al-Rahman, Kuala Lumpur dalam jangkamasa 3 tahun (2011-2013). Kajian ini menggunakan sepenuhnya metodologi kajian dokumen dan laporan yang berkaitan hasil projek SEDAR dan menganalisis peluang dan cabaran semasa UMCAS di dalam meneruskan pemulihan penagih dadah di Malaysia dengan menggunakan masjid sebagai premis perawatan penagihan dadah yang diintervensikan dengan methadone yang kawalselia oleh Kementerian Kesihatan Malaysia.

SEDAR-UMCAS

Program SEDAR atau istilah lengkapnya *Spiritual Enhanced Drug Rehabilitation* yang bererti

⁹ Zulkiflee bin Haron, (2016), *Konsep al-shifa' dalam al-Qur'an : Kajian Terhadap Metode Rawatan Ibn Qayyim AlJawziyyah*, Thesis PhD Ijazah Kedoktoran, Universiti Malaya, Kuala Lumpur.

program Peningkatan Kerohanian Dalam Rawatan Pemulihan Dadah merupakan pendekatan gabungan methadone dan kerohanian yang dirintis Pusat Sains Ketagihan Universiti Malaya (UMCAS)¹⁰ pada 2009 bersama Jabatan Kemajuan Agama Islam Malaysia (Jakim).¹¹ Ketua Penyelaras program ini, Prof. Madya Dr Rusdi Abd Rashid telah menjalankan program SEDAR di Masjid al-Rahman, Kuala Lumpur sebagai pilot projek yang bermula pada tahun 2009 yang disertai seramai 50 orang peserta yang terdiri daripada penagih dadah jenis opioid seperti heroin dan mofin secara berterusan sekurang-kurangnya setahun dan harus mengikuti program secara sukarela. Daripada 50 peserta ini, 60 peratus daripada mereka mempunyai jangkitan hepatitis C, enam peratus HIV dan enam peratus dijangkiti kedua-duanya. Pada tahun 2011, pihak UMCAS telah memperkenalkan satu pendekatan kaunseling di dalam program SEDAR yang dikenali dengan *Islamic Spiritual Intervention* (ISI) khusus bagi memulihkan penagih dadah dari kategori pengguna heroin tegar dari rawatan secara klinik kepada rawatan kerohanian. Pihak UMCAS telah menerbitkan online book ISI yang mengandungi butir perinciannya. Secara ringkasnya, terdapat 2 aktiviti ISI yang melibatkan individu dan berkumpulan bagi peserta penagih dadah di Masjid. Aktiviti individu ialah mengambil wudu' dan doa', adab memasuki masjid, mendirikan solat sunat tahiyah al-Masjid dan solat sunat Duha, beri'tikaf di dalam masjid, membaca zikr ma'thurat, berselawat ke atas Nabi s.a.w dan membaca do'a syifa'. Manakala aktiviti berkumpulan iaitu mendirikan solat fardu secara berjemaah, menyertai usrah, zikir munajat, menyertai majlis ilmu dan aktiviti sukarelawan di masjid yang berkala melalui seliaan penyelia terlatih. Program ISI ini mempunyai aspek pemantauan dan penilaiannya yang dibawah seliaan pakar UMCAS yang menfokuskan kepada *Medical Outcomes* dan Skala Pemahaman Islam. Pemantauan dilakukan ke atas peserta melalui 4 tahap iaitu mulai hari pertama kehadiran peserta, kemudian selepas 3 bulan, 6 bulan dan setahun.

DOA SYIFA MA'THUR DAN PROGRAM SEDAR-ISI DI MASJID AL-RAHMAN

Di dalam program ISI pada tahun 2011, penulis belum menemui bacaan doa yang diamalkan oleh peserta rawatan penagihan dadah ini yang diajar dan diamalkan khususnya ketika mereka berada di dalam masjid. Sebagai pengkaji

¹⁰ UMCAS telag ditubuhkan pada tahun 2009 sebagai pusat kajian sains ketagihan yang berobjektifkan sebagai pusat kecemerlangan penyelidikan bagi manfaat pesakit dan masyarakat. Rujuk www.umcas.um.edu.my 22.7.2019

¹¹ <http://www.themalaysiantimes.com.my/peranan-masjid-bantu-penagih-dadah/> 22.7.2019

INTERVENSI PSIKOSPIRITUAL DOA SYIFA AL-MA'THUR DAN METHADONE
DALAM RAWATAN PEMULIHAN PENAGIHAN DADAH DI MASJID: PENGALAMAN
PROGRAM SEDAR OLEH UNIVERSITY OF MALAYA CENTRE FOR ADDICTION
SCIENCES (UMCAS) DI MASJID AL-RAHMAN, KUALA LUMPUR
DARI TAHUN 2009-2012

di bidang Hadith, maka penulis mengemukakan bacaan doa syifa' Mathur dari sumber ayat-ayat al-Quran dan Hadith Sahih yang boleh diamalkan di dalam program ISI pada tahun ini-2019 dan akan datang seperti berikut;


DOA AL-SHIFA DALAM AL-QURAN&AL-HADITH

1. **سورة الأنبياء:** وَأُثْبِتْ إِذَا تَدَاعَى رَبُّهُ أَنِّي مَسَّيْتُ الْعِطْرُ وَأَنْتَ أَرْحَمُ الرَّاحِمِينَ (83) فَاسْتَجِبْنَا لَهُ فَكَشَفْنَا مَا بِهِ مِنْ ضُرٍّ وَأَنْتَ آتِنَا أَهْلَهُ وَمِثْلَهُم مِّمَّكَ مِنْ عِنْدِنَا وَإِنَّا لِلْعَابِدِينَ (84)
2. **سورة الأنبياء:** وَذَا النُّونِ إِذْ ذُهِبَ مُغَاطِبًا فَطَرَ أَنْ لَنْ نَقْدِرَ عَلَيْهِ فَنَادَى فِي الظُّلُمَاتِ أَنْ لَا إِلَهَ إِلَّا أَنْتَ سُبْحَانَكَ إِنِّي كُنْتُ مِنَ الظَّالِمِينَ (87) فَاسْتَجِبْنَا لَهُ وَنَجَّيْنَاهُ مِنَ الْعَمَى. وَكَذَلِكَ نُجَيِّئُ الْمُؤْمِنِينَ (88)
3. **سورة ال عمران:** الَّذِينَ قَالَ لَهُمُ النَّاسُ إِنَّ النَّاسَ قَدْ جَمَعُوا لَكُمْ فَاخْشَوْهُمْ فَزَادَهُمْ إِيمَانًا وَقَالُوا عَسَىٰ أَنْ يَكُونَ اللَّهُ وَرِغْمَ الزَّوْجِ الْكَيْفِ (173) فَاغْلَبُوا بِنِعْمَةِ رَبِّهِمْ فَجَاءَهُمْ نَصْرٌ مِنْ رَبِّهِمْ وَأُخْرِجُوا مِنْهَا وَاللَّهُ ذُو فَضْلٍ عَظِيمٍ (174)
4. **سورة غافر:** فَسْتَعِذُّوهُمْ مَا أُقُولُ لَكُمْ وَأَقْوَضُ أَمْرِي إِلَى اللَّهِ. إِنَّ اللَّهَ بَصِيرٌ بِالْعِبَادِ (44) فَوَقَاهُ اللَّهُ سَيِّئَاتِ مَا مَكَرُوا وَعَاقِبَ بِآلِ فِرْعَوْنَ سُوءَ الْعَذَابِ (45)
5. إن اعظم ما يرقى به المريض فاتحة الكتاب أم القرآن، فإنها كافية شافية (ع: 5736/5749، م: 2201)
6. **المعوذات:** الإخلاص، الفلق، الناس (ع: 5748/5016، م: 2192)
7. امسح به بيمينك سبع مرات، وقل: أعوذ بعزة الله وقدرته من شر ما أجد - عن عثمان بن أبي العاص الثقفي، أنه شكك إلى رسول الله صلى الله عليه وسلم وجعا يجده في جسده منذ أسلم فقال له رسول الله صلى الله عليه وسلم: ضحك يذك على الذي تألم من جسديك، وقل باسم الله ثلاثا، وقل سبع مرات أعوذ بالله وقدرته من شر ما أجد وأحاذر. (م: 2202، د: 3891/3522، ت: 3588/2080)
8. أن جبريل، أتى النبي صلى الله عليه وسلم فقال: يا محمد اشكيت؟ فقال: نعم قال: باسم الله أزيقت، من كل شيء يؤذيك، من شر كل نفس، أو عين حاسد، الله يشفيك باسم الله أزيقت. (م: 2186، ت: 972)
9. كان رسول الله صلى الله عليه وسلم إذا أتى المريض يدعوه له قال: أَهْبِيبِ الْبَاسَ، رَبِّ النَّاسِ، وَاشْفِ أَنْتَ الشَّافِي، لَا شِفَاءَ إِلَّا بِشِفَاؤِكَ، شِفَاءٌ لَا يُغَادِرُ سَقَمًا. وفي رواية أبي بكر: فدعا له، وقال: وَأَنْتَ الشَّافِي. (ع: 5743/5675/5742/5743، م: 2191، ج: 3520/1619)

INTERVENSI PSIKOSPIRITUAL DOA SYIFA AL-MA'THUR DAN METHADONE
DALAM RAWATAN PEMULIHAN PENAGIHAN DADAH DI MASJID: PENGALAMAN
PROGRAM SEDAR OLEH UNIVERSITY OF MALAYA CENTRE FOR ADDICTION
SCIENCES (UMCAS) DI MASJID AL-RAHMAN, KUALA LUMPUR
DARI TAHUN 2009-2012

**CARTA ALIRAN DAN GAMBAR PROGRAM SEDAR-ISI DI MASJID
AL-RAHMAN**

2009-2012¹²



¹² Semua gambar ini adalah ehsan dari *file Slide* Masjid Penang, Prof Dr Hussain Habil, Pakar Runding Psikiatri dan Perawatan Penagihan, Fakulti Perubatan Universiti MAHSA semasa program di Masjid Terapung, Pulau Pinang, pada 7.7.2019.

INTERVENSI PSIKOSPIRITUAL DOA SYIFA AL-MA'THUR DAN METHADONE
DALAM RAWATAN PEMULIHAN PENAGIHAN DADAH DI MASJID: PENGALAMAN
PROGRAM SEDAR OLEH UNIVERSITY OF MALAYA CENTRE FOR ADDICTION
SCIENCES (UMCAS) DI MASJID AL-RAHMAN, KUALA LUMPUR
DARI TAHUN 2009-2012

SEDAR



Mosque as centre for medico-spiritual research



Medical intervention



Methadone at work



BRI sessions



Individual sessions




ANALISIS DATA DAN PENCAPAIAN 2011-2013¹³

- a. Hasil kajian UMCAS mendapati program SEDAR setanding dengan program pemberian methadone yang dijalankan di hospital dan klinik kerajaan malah pendekatan gabungan kerohanian dan ubatan itu lebih baik hasilnya apabila 83 peratus penagih kekal mengikuti program ini dalam tempoh setahun ia dijalankan.


¹³ Semua data-data di dalam subtopik ini adalah dirujuk dengan ehsan dari slide Prof.Dr Hussain Habil sama seperti nota kaki no.13.

INTERVENSI PSIKOSPIRITUAL DOA SYIFA AL-MA'THUR DAN METHADONE
DALAM RAWATAN PEMULIHAN PENAGIHAN DADAH DI MASJID: PENGALAMAN
PROGRAM SEDAR OLEH UNIVERSITY OF MALAYA CENTRE FOR ADDICTION
SCIENCES (UMCAS) DI MASJID AL-RAHMAN, KUALA LUMPUR
DARI TAHUN 2009-2012

One year retention rate(%)




Proportion of urine negative clients(%)




- b. Kualiti hidup peserta jelas meningkat dalam tempoh itu malahan dalam tempoh enam bulan sahaja ujian air kencing yang menunjukkan negatif pengambilan dadah telah meningkat daripada 34.3 peratus kepada 94.3 peratus.

INTERVENSI PSIKOSPIRITUAL DOA SYIFA AL-MA'THUR DAN METHADONE
DALAM RAWATAN PEMULIHAN PENAGIHAN DADAH DI MASJID: PENGALAMAN
PROGRAM SEDAR OLEH UNIVERSITY OF MALAYA CENTRE FOR ADDICTION
SCIENCES (UMCAS) DI MASJID AL-RAHMAN, KUALA LUMPUR
DARI TAHUN 2009-2012

Drug use behavior(Mean Score)




Crime rate(Mean score)




- c. Pendekatan kerohanian juga telah menampakkan hasilnya apabila mereka semakin mengenali Islam dan peratusan mengamalkan ajaran Islam sebenar juga semakin meningkat daripada sebelum memasuki program ini.

INTERVENSI PSIKOSPIRITUAL DOA SYIFA AL-MA'THUR DAN METHADONE
DALAM RAWATAN PEMULIHAN PENAGIHAN DADAH DI MASJID: PENGALAMAN
PROGRAM SEDAR OLEH UNIVERSITY OF MALAYA CENTRE FOR ADDICTION
SCIENCES (UMCAS) DI MASJID AL-RAHMAN, KUALA LUMPUR
DARI TAHUN 2009-2012


General health(Mean score)



Quality of Life(mean score)



Spiritual improvement(mean score)



KESIMPULAN

- Program SEDAR-ISI di masjid mempunyai peluang yang besar untuk dilaksanakan sekiranya semua pihak khususnya pihak Kerajaan Negeri, Majlis Agama Islam, Jabatan Agama Islam Negeri, pihak pengurusan masjid, pemimpin masyarakat, pihak keselamatan, Kementerian Kesihatan Negeri, AADK dan semua ahli komuniti masyarakat memberikan sokongan dan sokongan di dalam menjayakan program ini demi membantu memulihkan pesakit penagih dadah setempat.
- Program ini memerlukan kos yang sederhana dari aspek pembelian methadone dan fasiliti yang berkaitan pada peringkat permulaan program dan pertengahan yang memerlukan sumbangan berterusan dari semua pihak di atas.
- Intervensi psikospiritual doa syifa' yang Mathur dan ibadah dalam masjid sebagai asas kerohanian yang amat penting di dalam memulihkan penyakit ketagihan dadah yang tegar dengan bantuan dan bimbingan dari pembimbing terlatih.
- Program SEDAR-ISI UMCAS dijangka akan dijalankan di beberapa buah masjid di Pulau Pinang dalam masa terdekat. Pihak Kerajaan Negeri Kelantan juga turut menyatakan minat untuk melaksanakan program ini bagi tujuan pemulihan penagih dadah tegar yang menjadikan masjid sebagai premis pemulihan jiwa melalui ibadah yang disyariatkan Islam.

Rujukan

Tesis, Disertasi, Buku dan Artikel Jurnal

- Abdul Kholiq, (2017), Pencegahan Dan Pembanterasan Dadah Menurut Perspektif Hadith : Kajian Terhadap Badan Narkotika Nasional (BNN) Bandar Langsa, Aceh, Disertasi Sarjana, Universiti Malaya, Kuala Lumpur.
- Ahmad Termizi Bin Ab. Lateh, (2006) Keberkesanan Program Agama Terhadap Penagih Dadah: Kajian Di Pusat Serenti Karang dan Inabah 10, Kedah, Disertasi Sarjana, Universiti Malaya, Kuala Lumpur.
- Mimi Aineen binti Abu Mansor (2011), Penggunaan Methadone Dalam Rawatan Penagihan Dadah Di Malaysia : Kajian Menurut Perspektif Islam, Disertasi Sarjana Syariah, Jabatan Fiqh dan Usul, Universiti Malaya, Kuala Lumpur.
- Wirman (2015), Rawatan Psikoterapi Islam Dan Psikoterapi Alternatif Dalam Menangani Isu Penyalahgunaan Dadah Di Medan, Thesis Kedoktoran, Universiti Malaya, Kuala Lumpur.
- Zulkiflee bin Haron, (2016), Konsep al-shifa' dalam al-Qur'an : Kajian Terhadap Metode Rawatan Ibn Qayyim AlJawziyyah, Thesis PhD Ijazah Kedoktoran, Universiti Malaya, Kuala Lumpur.

Sumber Internet

- <http://www.muftins.gov.my/index.php/component/content/article/162-tarekat-tassawuf/koleksi-kertas-kerja/641-bina-insan-menerusi-kaedah-spiritual-satu-tinjauan-terhadap-pendekatan-inabah-dalam-memulihkan-penagih-dadah-dan-menangani-krisis-moral-remaja> 21.7.2019
- <http://www.rawatan-dadah.com/> 22.7.2019.
- www.umcas.um.edu.my 22.7.2019
- <http://www.themalaysiantimes.com.my/peranan-masjid-bantu-penagih-dadah/> 22.7.2019